

同治鄞縣志

第 二 三 冊

鄞縣志卷六十九

祥異

漢

光武帝建武四年夏六月雷擊鄞縣羊五頭論衡

梁

武帝天監七年十一月辛巳鄞縣言甘露降梁書武帝紀

唐

武后永昌元年正月雌雞化爲雄新唐書五行志

中宗神龍二年四月己亥雨毛於鄞縣新唐書中宗紀占曰邪人進賢人

遁五行志

德宗貞元十四年芝草生於郡督郵屋梁上五綵相鮮若樓閣之

狀其歲餘姚守○案明州餘姚郡曰餘姚守即明州刺史也盧君元注名從而爲叛他書皆名雲

將粟鎰所害置遺骸於屋梁之下

李德裕祥瑞論

文宗開成四年明州饑

五行志

五年明州疫

五行志

宋

眞宗大中祥符七年正月明州獻茹侯山石上芝草一本四莖

宋史

五行志四月進芝草圖聞志十月明州芝草生五行志是年明州獻青

毛龜四明七觀注○案聞志正月丙辰獻

徽宗政和六年明州木連理

宋史五行志

高宗紹興十八年明州水

五行志

十九年夏明州饑

五行志

孝宗乾道元年二月明州寒敗首種損蠶麥是歲明州饑

五行志○案文

獻通考元年春台明諸郡饑夏無麥

九年饑聞志

淳熙三年麥一穗兩岐鄞令獻於領郡皇子魏王圖上於朝孝宗

御札褒美

開慶續志

四年五月明州瀕海大風海濤敗鄞縣隄五千一百餘丈定海隄二千五百餘丈漂沒民田九月大風雨駕海濤壞定海鄞縣隄七千六百餘丈及田廬軍壘

宋史五行志

案曰九月水災引五行志據宋史六十七卷也考六十一卷五行志中同年同月定海敗隄二千五百餘丈鄞縣敗隄五千一百餘丈合兩縣海隄計之恰七千六百餘丈明係一事兩書卽是年五月中一條隄之丈數全與九月同亦疑有重複未必一年兩壞也朱志曹志僅錄其一亦有

見矣

明州繫年錄

五年旱大饑

聞志

九年明州饑

宋史五行志○案朱子文集劾唐仲友第五狀明州災傷極重又案敬止錄是年旱種穗殆絕

壬寅秋旱州守委三倅分行六邑荒政通判方崧卿主奉化象

山獨無饑民崧卿字季申興化軍人隆興癸未進士

周必大撰崧卿墓志

十一年七月壬辰明州風雨山水暴出浸民市圯民廬覆舟殺人

宋史五行志

十四年七月明州旱

五行志

光宗紹熙五年秋明州颶風駕海濤害稼

○案此見宋史六十七卷考六十一卷是年八月辛丑明州水亦係一事兩見而其文互異耳朱志誤

紹熙爲清熙而以是年水災屬之清熙五年則妄也是年明

州饑人食草木

五行志

甯宗嘉定八年明州旱

五行志

林村飛蝗蔽野民艱食

桃源志

附

嘉定五年史彌遠入賀於東宮馬驚墮衣幘皆敗其額微損近

馬禍也

五行志

十三年八月庚午慶元路火燔官舍第宅寺觀民居甚眾

五行志

十四年明州蝨蠙爲災是年明州旱

五行志

度宗咸淳元年雨鈔於姜山陳氏二日飛錢盈室

嘉靖志

元

世祖至元二十二年秋慶元大水傷人民壞廬舍

元史世祖紀

二十九年慶元大饑治中伯行乘驛詣行省言慶元瀕海地陝隘

歲熟猶仰給他郡非官賑給將移徙不便執政然其言爲發粟

四萬石

清容集。案元史拜降傳二十九年遷慶元路治中歲大饑狀累上行省不報拜降曰民飢如是而不振之豈

爲民父母意耶躬詣行省請得粟四萬石民賴全活大德元年遷浙東廉訪副使後升工部尙書改資國院使卒謚貞惠拜降

卽伯行北庭人

成宗大德六年六月慶元路饑元史成宗紀

十一年慶元路饑元史食貨志

袁桷張尙書救荒後記儒學提舉天台柯謙自牧爲序一通言
今工部尙書張公之佐江浙也活饑民禡貪帥爲去思帥能歌
詩者追美之是可謂無負張公矣往歲桷以翰苑屬歸里里人
言元帥府始治婺女有總戎官鎮慶元言慶元聯蠻國入海最
近稍失控御兵燹不可測乘驛入都白利害時太傅丞相坐省
中盛言總戎非兼元帥不足以重鎮太傅察其言有私便後雖
移鎮而卒用常調官如舊制焉大德十一年歲大饑浙東副帥
口口命屬吏疾傳詣行省告變曰慶元接海口僅數十里羣盜
據島嶼出沒將入城剽劫願速分行省軍往翦其窟穴緩則不
可治行省大驚將如議張公時爲郎中丞相謂公曰計安出公
以調兵非所預丞相因問則曰果有變帥府當印署白省副帥
獨遣非完議也召屬吏問變奚自府有鎮守官今上變爲何地
屬吏頻首不能對遂移檄問盜今安在帥府得檄大驚咸言無
是事繇是卒不發兵而慶元迄無它噫方副帥造謀時當饑侵
窮困之急稍加以兵山海連竄甯能斂手以快鋒鏑一有抗拒
誣以叛逆則凡故家大姓蔓延於囹圄之下將不可勝計人能
知救荒之爲美績而不知吾里之人微張公之言有不待賑恤
而皆置於死地矣敢書以補郡乘俾知夫立帥府本末當如是
張公名口字士瞻衛郡人處事明達
知大體若是事甯勿爲記其可乎

武宗至大元年正月慶元路饑死者甚眾元史武宗紀是年春慶元路

疫死者甚眾元史五行志○案滎陽外史集洪處士表歲丁未戊申大歉飢餒者甚眾

英宗至治二年慶元蝗元史英宗紀

泰定帝泰定元年二月慶元路饑元史泰定帝紀

文宗天歷二年四月慶元路饑元史文宗紀

至順元年閏七月慶元路大水元史文宗紀沒民田元史五行志

順帝至正四年慶元饑元史順帝紀是年海嘯朱志

六年慶元路旱嘉靖志

十一年明台山中竹箭生米特甚村民爭采之人日得米一斗食

之味殊美嘉靖志○案成化志至正末水旱相仍民甚艱食東錢湖山多箭篠忽生竹實如米民賴以充飢

十三年慶元大旱元史五行志

十九年正月甲午鄞縣地震嘉靖志○案元史五行志十九年正月甲午慶元地震似不止鄞縣

二十一年明州松結實有大盈尺者

嘉靖志

二十三年七月有星墜於慶元路西北聲如雷光芒數十丈久之

乃滅

元史順帝紀

案星墜慶元路未必卽鄞縣但路下惟鄞爲附郭

故凡統明州言者類錄之

錢志

明

成祖永樂五年六月雷火燒天封塔三層

明州雜謠注

永樂十一年七月甯波五縣疫

明史五行志

○案錢志引作十七年當以十一年七月而誤寫也

宣宗宣德十年大有年

嘉靖志

是年尙寶少卿袁忠徹家營新第堂

之左棟產紫芝明年右棟產赤芝未幾玉芝一本生於右襟柱

色微紅

胡儼承德堂記

英宗正統八年十月鄞縣全士昌妻鮑氏一產三男

英宗實錄

九年冬甯波瘟疫大作

明史五行志

十年三月甯波旱

從信錄

七月甯波疫

英宗實錄○案二申錄乙丑甯波久旱民遭瘟疫卽是年

也

十二年鄞縣荒

嘉靖志

十三年甯波饑

明史五行志

景帝景泰三年甯波災

景帝實錄

英宗天順元年夏甯波旱

五行志○案英宗實錄杭州甯波金華嚴州六七月亢旱苗枯

四年甯波四五月陰雨連縣江河汎溢麥禾俱傷

英宗實錄

附

天順七年春二月禮部貢院火舉子焚死者百十六人鄞樓啟

原誤起

與焉先期楊守陳夢人求樓誌銘後果如夢

二申錄

憲宗成化十三年甯波紹興台州水旱相繼

憲宗實錄

孝宗宏治十七年五縣大饑朝廷遣都御史王璟齎內帑銀賑之

嘉靖志○案史槩
在十六年九月

十八年虎亂九月地震

聞志○案五行志九月癸巳地震有聲

武宗正德三年六月至十二月不雨禾黍無收民采蕨聊生不給

至鬻男女以食冬大雪河冰不解草木痿死民斃凍餒者甚眾

嘉靖志

五年十月甯波水災

武宗實錄

六年甯波大旱知府張津齋戒祈神屏車蓋曝赤日中步行六十

里詣天井龍湫禱焉比返雨隨車如注津字廣漢博羅人

嘉靖志

案曰嘉靖志張津傳紀禱旱事無年分考職官志津以六

年知甯波次年林富卽繼之則其禱雨自係六年任內事

七年甯波乏食

五行志

瀕海地颶風大作

明史陶琰傳

九年正月民間謠言妖青至每夜人各持兵器震響竹以備之

嘉靖志

志

十五年十一月鄞縣雷鳴地震嘉靖志

世宗嘉靖三年歲凶聞見漫錄

五年寧波旱世宗實錄

十五年雷鳴地震聞志

十六年七月海潮入靈橋門父老云當出魁解是年陳穆果占解

首嘉靖志○案聞志正月海嘯潮入靈橋門

二十二年戴鼇會川莊產黃芝九莖二十三年又產黃芝二莖二

十四年枯竹生筍已而成林嘉靖志

二十三年鄞縣兵部尙書張邦奇之母年百歲世宗實錄○案壽婦百歲見他記載

者非止一人此爲實錄所書且名臣之母也故存之

二十四年諸縣大荒穀價騰貴銀一錢易穀一升道殣相望嘉靖志

三十年李樹生王瓜諺云李樹生王瓜百里無人家已而果爲倭

奴剽殺甚眾嘉靖志

三十四年十二月二十九日未申時日光暗有青黑紫色如日狀者數十與日相蕩俄而數百千萬彌天者半逾時漸向西北散

去嘉靖志

三十六年旱靈應廟祀錄七月八日颶風大作敬止錄

案曰董光讚靈應廟祀錄附紀災祥始嘉靖三十六年至

國朝順治七年頗與舊志相異同今閒採之

三十八年七月十一日五臺寺藥局火千戶尙文典史江昊等死

者百餘人朱志

四十一年六月三日天晴忽空中降白物大小如雪片晶光映日

以手撲之隨滅自午至申而止鄞及定海皆然奇聞類記六月二十

四日暮天西北隕物如升子體圓而長上銳下大其色黃白下有紫赤色挾持之瞬息大如斗精光四燭將至地光影起伏者再蓋類占書所謂天狗但墮地不聞有聲耳

李志。案二申錄嘉靖甲子六月三日甯波落雪似黃色月日災異俱同而差二年年當誤

四十二年春有猛虎形如赤馬大鬣長尾尖觜白面傷人甚多

李志

四十三年八月十四至十八夜月圓如望

李志

穆宗隆慶二年九月五日申時有赤鷹攫東門一十歲小兒至觀風亭上其父急禱於元壇之神追得之兒自言見元壇鐵簡擊

鷹始得活

李志

三年大水西鄉鳳凰溪水徙北流與幡溪合以入桃源溪而鳳凰

溪遂淤塞不流

桃源志。案續文獻通考是年以水災免鄞慈奉定象存畱錢糧

四年正月十八日天降黑雨

曹志

神宗萬歷元年鄞天封寺誦法華經有林姓者與友狂飲塔上醉

溺於塔檐頃刻雷火擊死

李志

三年六月戊辰杭嘉甯紹大風海溢淹人畜廬舍

明史稿
神宗紀

案曰錢志引此文下註明史神宗紀考

欽定明史但有浙江海溢四字錢志誤也又案五行志是年六月

甯波海湧數丈沒戰船廬舍人畜不計其數卽紀中戊辰

之災錢志引之而繫萬歷元年亦誤

繫年
錄

八年桃李冬花五色虹見

李志

十五年七月大水舟行城上

敬止
錄

太白山龍見乘風鼓雨天童寺

室宇皆湮沒礎礫無一存者

天童
寺志

壞西鄉張將軍廟基地成溪

桃源
志

十六年大饑民有以一子女易一餐者甚有懷百金田券不得售

而死者李志瘟疫繼之道殪相望敬止是年夏秋又亢旱郡守張

文奇郡丞攝鄞令龍德孚雩龍法繁露三日而獲甘澍聞志案靈應

廟祀錄十五年十六年皆

災人民流莩凶荒至劇

屠隆荒政紀年碑文萬歷十五年丁亥秋七月颶風襲作積雨

海溢傷禾稼今年戊子春霪雨連綿麥苗盡萎歲遂大饑時吳

越燕齊秦晉南北並饑無所糴而明州僻處海隅困敝滋甚富

家稍有困廩者益懼不敢出駟僧市狷因之射利斗米千錢四

郊氓庶至闕草根剝木皮為糧城市子婦雖良家著姓多出行

乞連袂纍纍相望於道是時姑蘇張公適來守明州惕然曰民

飢至此吾守土之責也明部民貧而俗故尚汰饑而猶汰死無

日於是躬先儉樸禁一切讌饗服食器樂華侈而省刑緩征鎮

以清淨以飢無食者亟請於監司盡發倉廩首捐俸資次行勸

賑惻隱愷悌發乎至誠士大夫富民感動爭願量力助賑飢不

能爨者設局為糜以食之公曰為糜食飢揀荒恆行之顧食貴

時行貴廣弗時弗廣安用揀荒之為最大忌者令四鄉老稚走

數十里遠赴城郭未及就哺而道斃者有之又聚千百人於一

處而食之躡蹠踴喧是拯其生而促之死也於是發粟各鄉遣

官吏分道按圖逐里散行郊野行惟遍召食剋期食惟時而又

無羣聚蹂躪之患覈冊籍察吏胥有禁諸凡荒政可佐黔首旦

乾沒而民沾實惠且也牙僧販鬻有禁諸凡荒政可佐黔首旦

夕之急者纖悉畢舉而又皆出以誠惻運以通圖觸機中窻全

活無算蓋是時吳越間災傷數千里積骸若陵漂屍盈川鬻男
賣女所在城市五尺之童僅易斗粟而我海徼孤絕處幸不至
是則公之大有造於東也四月雨止公曰春潦必旱此天道也
命修圩塘增堰壩爲蓄水計八月果旱田畝龜拆晚稼焦枯民
益大恐公於是率僚屬素服屏從闔室清齋徒跣縹雲名山大
川數日不雨乃采董江都春秋繁露塞城南門設芻龍瘞之土
抑火性揚水德令僧道誦木郎神咒凡壇壝童巫牲器悉按陰
陽縱閉法俄而大雨如注數日霑足遂以有秋父老謂茲雨若
稍遲二日無及矣先是郡大夫多歧視軍民專意拊循部民而
胡輿行伍公曰壹體諸所拯濟恩波亡弗及焉更爲加意清政
先是管漕運者非其人肆行侵漁運務敝窳歲逋京儲以千萬
計上震怒械繫僨事者下之獄廷議以概衛歲底名糧扣補名
爲考成行之數年十不償五而營伍日饑侍御孫公某疏請獨
之軍始忻忻樂生而公益加存卹曰夫介冑行伍所以備緩急
而甯黔黎一旦四郊有鳴鏑之警將摧鋒陷陣是賴而草菅之
可乎戍旅之人無土毛可食所仰藉者官廩耳散給逾期借抵
巨室戍奈何不瘠乃爲之按月支給嚴防密警吏不得因緣爲
奸當饑荒時躬查帑藏羨餘力請於上給賑惟均兜鍪之徒歡
忭載道夫戍卒之於氓黎猶孳庶之於嫡子也有司往往嫡子
其民而孳庶其戍乃公無分孳嫡一體視也卽孳之所爲德倍
萬於嫡矣於是衛萬戶某率僚屬某某及各戍卒與民間老成
有識者謀曰公之憂勞荒政活我軍民我曹故可相忘於至仁
無頌頌亦非公心而諸所學畫拮据若勸賑若煮糜若覈冊籍
若防胥吏若禁剽鬻若豫旱備若督崇雩若行繁露若釐漕政